

# Fasnachts-Blaggedde 2012

Basel, im Novämber 2011

Scho bald isch Wiehnacht und mit dr Adväntszyt dängge d'Basler au scho wider an die näggschti Fasnacht, d'Vorberaitige laufe jo scho lang. Drum schryb ich Euch wie jedes Johr wider e Blaggeddebrief:

Am 7. Januar kunnt d'Fasnachtsblaggedde use. Dir wüessed jo hoffetlig au, dass me als Fasnächtler eini het und dass me au versuecht, so viel wie möglic an Fründe und Verwandti z'verkaufe. Grad über d'Wiehnachtsdäg könne Dir scho afo, die Verwandte und Bekannte z'froge und d'Bestellige grad uffnäh.

Dr JG-Vorstand und ich lege immer no e grosse Wärt druff, dass jede mindeschtens ei Blaggedde (die eigeni) bi dr Spale bezieht !

**D'Blaggeddenussgoob isch am Samschtig, 7. Januar 2012 wie allewyl im Spale-Käller. Dir könnted d'Blaggedde vom zähni demorge bis am zwei zmidag (10'00 - 14'00 h) bezieh !**

D' Blaggeddebryyse sinn no glych bliibe:

## **Verkaufsbryys:**

**Gold: Fr. 45.-- / Silber: Fr. 16.-- / Kupfer: Fr. 8.-- / Bijou: Fr. 100.--**

Dir zahled bim Bezug:

Gold: Fr. 40.50 / Silber: Fr. 13.50 / Kupfer: Fr. 7.50 / Bijou: Fr. 90.-

(Dir verdiened also öppe 10% pro Blaggedde !)

## **Wichtig:**

- **Blaggedde wärde nur gege Barzahlig abgäh.**
- **Mir könne keini Blaggedde zruggnäh.**
- **BIJOU GITS NUR UF VORBSTELLIG.**

## Nochbezug:

Wyteri Blaggedde ka me jewyls am Donnschtig am achti nach dr lebigsstund im Schuelhuus (und natürlig au am Intärne) bezieh.

Bitte bstelled aber die Blaggedde jewyls bis am Mittwuch z'Obe vor, uffs

„**Spale-Blaggeddefon**“ (my Telefonbeantworter) unter dr Nummere:  
**061 / 321'71'77** (Bitte Eure Namme nid vergässe !)

In dringende Fäll ka nach telefonischer Verybaarig au irgendwo/irgendwenn sunscht bezoge wärde.

Jetzt wünsch ich Euch e schöni Wiehnacht, e guete Rutsch ins neue Johr und denn viel Erfolg bim Blaggeddeverkaufe !

David Zeller